



ՀՖՖ ԱԿՈՒՄԲԼԵՐԻ ԱՐՏՈՆԱԳՐՄԱՆ
ՀԱՄԵՄԱՏԱԿԱՆ ՎԵՐԼՈՒԾՈՒԹՅՈՒՆ 2023

ՀՖՖ Արտոնագրման բաժին
Օգոստոս 2023 թ.

Հարգելի բարեկամ,

ՀՖՖ Արտոնագրման բաժինը Ձեզ է ներկայացնում ՀՖՖ ակումբների արտոնագրման համեմատական վերլուծության տասներորդ հրատարակությունը 2022/2023 թվականների մրցաշրջանի և 2021 թվականի ֆինանսական տարվա վերաբերյալ: Այն ներկայացնում է հայկական պրոֆեսիոնալ ակումբային ֆուտբոլը՝ ներառելով VBET Հայաստանի Պրեմիեր Լիգայի ակումբների վերաբերյալ համեմատական վերլուծություն: Այս փաստաթուղթը հրատարակվում է տասնմեկերորդ տարին անընդմեջ և շարունակում է հանդիսանալ ամենամյա սկզբունքով թողարկվող միակ փաստաթուղթը, որը պարունակում է հայկական ակումբների և հայկական ֆուտբոլի վերաբերյալ ֆինանսական, ենթակառուցվածքային, կադրային, իրավական և այլ կարևոր տեղեկատվություն:

Ձեկույցն իր մեջ ներառում է 2022/2023 թվականների մրցաշրջանի և 2022 թվականի ֆինանսական տարվա ընթացքում հավաքագրված ողջ տեղեկատվությունը, որն ակումբները ներկայացրել են ՀՖՖ ակումբների արտոնագրման և վերահսկողության գործընթացի շրջանակներում:

Ակումբների արտոնագրման համեմատական զեկույցը իրականություն է դարձել մեր ակումբների կողմից ցուցաբերած աջակցության և պատրաստակամության շնորհիվ, որոնք պատշաճ կերպով տրամադրել են զեկույցի մեջ ներառված համապատասխան տեղեկատվությունը: Օգտվելով առիթից՝ մեր խորին շնորհակալությունն ենք հայտնում VBET Հայաստանի Պրեմիեր Լիգայի բոլոր ակումբներին իրենց աջակցության և սույն զեկույցի կազմմանը մասնակցություն ցուցաբերելու համար:

Ձեկույցում ներկայացված են նաև ՀՖՖ կողմից մշակված նոր երկարաժամկետ ռազմավարական ծրագրի շրջանակներում արդեն իսկ գրանցած ձեռքբերումները, մասնավորապես՝ նոր ենթակառուցվածքների կառուցումը, նոր համագործակցությունները և այլն:

Վստահ ենք, որ ՀՖՖ ակումբների արտոնագրման «Համեմատական վերլուծություն» զեկույցն անկասկած կնպաստի հայկական ֆուտբոլում թափանցիկության մակարդակի բարձրացմանն, ինչն էլ, իր հերթին, հանդիսանում է ՀՖՖ քաղաքականության անկյունաքարերից մեկը:



Արթուր Ագարյան

ՀՖՖ Գլխավոր քարտուղար

ՀՖՖ Ակումբների արտոնագրման և վերահսկողության նախագծի ղեկավար

ԲՈՎԱՆԴԱԿՈՒԹՅՈՒՆ

ԳԼՈՒԽ 1. ԱՐՏՈՆԱԳՐՄԱՆ ԳՈՐԾԸՆԹԱՑ

ԳԼՈՒԽ 2. ՀԱՃԱԽԵԼԻՈՒԹՅՈՒՆ

ԳԼՈՒԽ 3. ՖՈՒՏԲՈԼԻՍՏՆԵՐ ԵՎ ԼԵԳԻՈՆԵՐՆԵՐ

ԳԼՈՒԽ 4. ԵԿԱՄՈՒՏՆԵՐ ԵՎ ԾԱԽՍԵՐ

ԳԼՈՒԽ 5. ՄԵԴԻԱ ԵՎ ՄԱՐԶԵԹԻՆԳ

ԳԼՈՒԽ 6. ՁԵՌՔԲԵՐՈՒՄՆԵՐ

ԳԼՈՒԽ 7. ՍԵՄԻՆԱՐՆԵՐ ԵՎ ՀԱՆԴԻՊՈՒՄՆԵՐ



ԳԼՈՒԽ 1.
ԱՐՏՈՆԱԳՐՄԱՆ ԳՈՐԾԸՆԹԱՑ

Արտոնագրման գործընթաց

ՀՖՖ Ակումբների արտոնագրման համեմատական վերլուծությունը շարունակում է մնալ իր տեսակի մեջ հայկական ֆուտբոլին վերաբերող միակ ուսումնասիրությունը՝ մի կողմից հանդիսանալով ակումբային ֆուտբոլի ուղեցույցը, մյուս կողմից՝ կատարելով ժամանակակից ֆուտբոլի կարևոր միտումների արձանագրման և փաստաթղթավորման գործընթացը: Վերլուծությունը, հիմնվելով փաստերի վրա, ներկայացնում է անցնող մրցաշրջանում արձանագրված, և՛ դրական, և՛ բացասական միտում ունեցող իրադարձությունները: ՀՖՖ Արտոնագրման բաժինը սույն վերլուծությունը կազմել է ՀՖՖ ակումբների կողմից ներկայացված արտոնագրման 5 չափանիշների (մարզական, կադրային և վարչական, իրավական, ենթակառուցվածքային և ֆինանսական) հիման վրա՝ պահպանելով անկախության և գաղտնիության պատշաճ մակարդակը:

Վերլուծության հիմնական առանցքն են կազմում նախորդ 18 մրցաշրջանների ընթացքում ՀՖՖ Ակումբների արտոնագրման գործընթացի մասին տեղեկատվությունը, կայացված որոշումների համեմատությունները՝ ըստ Ազգային, Առաջին խմբի, ՈւԵՖԱ–ի և ՈւԵՖԱ–ի Կանանց Չեմպիոնների լիգայի արտոնագրման գործընթացների, մարզասերների՝ ներքին առաջնություններին խաղերի հաճախելիությունը, VBET Հայաստանի Պրեմիեր Լիգայի հանդիպումներին մասնակցած ֆուտբոլիստների տարիքային առանձնահատկությունները, ինչպես նաև ակումբների ֆինանսական հաշվետվությունների վրա հիմնված տեղեկությունները եկամուտների ու ծախսերի վերաբերյալ:

2023/2024 մրցաշրջանի Ազգային արտոնագիր ստանալու համար դիմել է 11 ակումբ: VBET Հայաստանի Պրեմիեր Լիգայի 2023/2024 մրցաշրջանին մասնակցելու իրավունք ընձեռող արտոնագիր ստացել են 9 ակումբներ: Երկու ակումբի՝ «Գանձասար» ՖԱ և «Լեռնային Արցախ» ՖԱ–ի Ազգային արտոնագրերը մերժվել են:

ՀՀ ֆուտբոլի Առաջին խմբի 2023/2024թթ. առաջնության արտոնագիր ստանալու համար դիմել էին 8 ակումբներ: Առաջին խմբի 2023/2024թթ. առաջնությունում հանդես գալու իրավունք տվող արտոնագիր է ստացել 8 ակումբ՝ «Լեռնային Արցախ» ՖԱ, «Միկա» ՍԱ, «Օնոր» ՖԱ, «Անդրանիկ» ՖԱ, «Հայասա» ՖԱ, «Նիկարմ» ՖԱ, «Գանձասար» ՖԱ և «Սյունիք» ՖԱ:

2023/2024 մրցաշրջանի ՈւԵՖԱ–ի արտոնագիր ստանալու համար դիմել է 7 ակումբ: Բոլոր 7 ակումբները՝ «Արարատ» ՖԱ–ն, «Արարատ–Արմենիա» ՖԱ–ն, «Ալաշկերտ» ՖԱ–ն, «Շիրակ» ՖԱ–ն, «Նոա» ՖԱ–ն, «Փյունիկ» ՖԱ–ն և «Ուրարտու» ՖԱ–ն բավարարել են ՈւԵՖԱ–ի արտոնագիր ստանալու համար սահմանված չափանիշները և ստացել են 2023/2024 մրցաշրջանում եվրագավաթներում հանդես գալու իրավունք ընձեռող արտոնագիր:

2023/2024 մրցաշրջանի ՈւԵՖԱ–ի Կանանց Չեմպիոնների Լիգայի արտոնագիր ստանալու համար որևէ ակումբ չի դիմել:



8

Առաջին խմբի առաջնության
արտոնագիր



9

Ազգային արտոնագիր




7

ՈւԵՖԱ-ի արտոնագիր


2004-2023/2024 թթ.
ՀՖՖ Ակումբների ստացած, մերժված և հետ կանչված
Ազգային արտոնագրեր

■ Ստացած ■ Մերժված ■ Հետ կանչված




2009-2022/2023 թթ.
ՀՖՖ Ակումբների ստացած և մերժված
ՈՒԵՖԱ-ի արտոնագրեր


Ստացած Մերժված



2020/2021-2022/2023թթ.
ՀՖՖ Ակումբների ստացած և մերժված
Առաջին խմբի արտոնագրեր



2020/2021-2023/2024 թթ. ՀՖՖ Ակումբների ստացած և մերժված ՈՒԵՖԱ-ի Կանանց Չեմպիոնների
Լիգայի արտոնագրեր



Հաճախելիություն

Անցկացնելով համեմատականներ VBET Հայաստանի Պրեմիեր Լիգայի 2020/2021 մրցաշրջանի և Նախորդ մրցաշրջանների հաճախելիության ցուցանիշների միջև՝ ակնհայտ է դառնում, որ երկրպագուների ընդհանուր թիվը նվազել է: Երկրպագուների ընդհանուր թվի նվազումը մեծամասամբ կապված է արտակարգ և ռազմական դրություններով պայմանավորված VBET ՀՊԼ-ի աշխարհային հատվածի հանդիպումները առանց հանդիսականների կամ սահմանափակ քանակի հանդիսականներով անցկացնելու որոշումների հետ: Եթե հիմք ընդունենք 2020/2021 մրցաշրջանի 1 խաղի միջին հաճախելիության ցուցանիշը՝ 518 հանդիսական(հաշվի չառնելով առանց հանդիսականների կամ սահմանափակ քանակի հանդիսականներով անցկացված հանդիպումները), ապա կտեսնենք, որ 2019/2020 մրցաշրջանի (1 խաղին՝ միջինը 387 հանդիսական) համեմատ այս ցուցանիշը աճել է: Նախորդ մրցաշրջանի համեմատ VBET ՀՊԼ-ի հանդիպումների միջին հաճախելիությունը ավելացել է 131 հանդիսականով կամ 33.85 %-ով: Այս ցուցանիշը լավագույն է վերջին 4 մրցաշրջանների համար:




Սեփական հարկի տակ հանդիպումների ժամանակ երկրպագուների ամենամեծ բանակը ունեցել է Երևանի «Ուրարտու» ֆուտբոլային ակումբը, որի տնային հանդիպումները 2020/2021 մրցաշրջանում մարզադաշտից դիտել է 9100 հանդիսական (միջինը 1 խաղում 1138 հանդիսական): Հաճախելիության համեմատաբար բարձր ցուցանիշ է գրանցել Նաև «Փյունիկ» ՖԱ-ն: Երևանյան թիմի տնային հանդիպումներին ներկա է եղել ընդհանուր 4200 հանդիսական կամ միջինը՝ 840 հանդիսական:

Տնային հանդիպումներին ամենից քիչ հաճախելիություն է ունեցել «Շիրակ» ֆուտբոլային ակումբը՝ 810 հանդիսական (միջինը՝ 135 հանդիսական): Հատկանշական է, որ «Շիրակ» ֆուտբոլային ակումբը Նախորդ մրցաշրջանում հաճախելիության ցուցանիշով առաջատարն էր: «Շիրակ» ֆուտբոլային ակումբի հաճախելիության ցուցանիշների կտրուկ նվազումը մեծապես կախված է ակումբի մրցելույթների վատթարացմամբ: «Շիրակ» ֆուտբոլային ակումբից հետո հաճախելիության վատագույն ցուցանիշն ունի «Ալաշկերտ» ՖԱ-ն՝ 1170 հանդիսական (միջինը՝ 234 հանդիսական):

Բարձրացել է Նաև VBET Հայաստանի Գավաթի 2020/21 թթ. խաղարկության միջին հաճախելիության ցուցանիշը: Վերջինս 2019/20 թթ. կազմում էր 304 հանդիսական, սակայն այս մրցաշրջանում այդ ցուցանիշը կազմել է 551 հանդիսական: VBET Հայաստանի Գավաթի 2020/21 թթ. խաղարկության հաճախելիության ցուցանիշի աճի «մեղավորը» եզրափակիչ հանդիպումն է: VBET Հայաստանի Գավաթի 2020/21 թթ. խաղարկության եզրափակիչ հանդիպմանը ներկա է եղել 4000 հանդիսական, որը կազմել է VBET Հայաստանի Գավաթի խաղարկության ընդհանուր հանդիսականների թվի 56%-ը: VBET Հայաստանի Գավաթի 2020/21 թթ. խաղարկության հանդիպումներին ներկա է եղել ընդհանուր 7170 հանդիսական:

2022/2023 VBET Հայաստանի Պրեմիեր Լիգայի ակումբների տնային հանդիպումների հաճախելիության միջին ցուցանիշներ

2022/2023 VBET Հայաստանի Պրեմիեր Լիգայի ակումբների տնային հանդիպումների հաճախելիության միջին ցուցանիշներ



ԳԼՈՒԽ 3. ՖՈՒՏԲՈԼԻՍՏՆԵՐ ԵՎ ԼԵԳԻՈՆԵՐՆԵՐ

Ֆուտբոլիստներ և լեգիոներներ

Ակումբ	Միջին տարիք
ԲԿՄԱ	20,78
Ուրարտու	23,41
Վան	24,59
Նորավանք	24,63
Նոա	24,71
Արարատ-Արմենիա	25,74
Արարատ	26,21
Փյունիկ	27,79
Ալաշկերտ	29,10
Առաջնության միջին ցուցանիշ	25,22

Հաշվետվության այս հատվածում ներկայացված է VBET Հայաստանի Պրեմիեր Լիգայի ֆուտբոլիստների տարիքային համեմատական վերլուծությունը:

VBET Հայաստանի Պրեմիեր Լիգայի 2022/2023 մրցաշրջանին մասնակցել է (հայտավորված է եղել առնվազն առաջնության 1 խաղի) ընդհանուր 351 ֆուտբոլիստ: Առաջնությանը մասնակցած 351 ֆուտբոլիստներից 165-ը եղել են լեգեոներներ (ներառյալ ԵԱՏՄ երկրներից ֆուտբոլիստները): VBET Հայաստանի Պրեմիեր Լիգայի 2022/2023 մրցաշրջանում հանդես է եկել 177 լեգեոներ ֆուտբոլիստ: Լեգեոներ ֆուտբոլիստների տեսակարար կշիռը VBET ՀՊԼ-ում հանդես եկած բոլոր ֆուտբոլիստների մեջ 2022/2023 մրցաշրջանում կազմել է 47%: Հայտավորած արտասահմանցի ֆուտբոլիստների քանակով առաջատարը «Նոա» ֆուտբոլային ակումբն է՝ 31 լեգեոներ: «Նոա» ՖԱ-ին հաջորդում է «Ալաշկերտ» ՖԱ-ն, որի կազմում 2022/2023 մրցաշրջանում հայտավորված է եղել 26 լեգեոներ: Ամենաքիչ քանակով լեգեոներներն են եկել «Ուրարտու» ՖԱ-ում՝ 11, իսկ «ԲԿՄԱ»-ում լեգեոներ ֆուտբոլիստ ընդհանրապես հանդես չի եկել:

VBET Հայաստանի Պրեմիեր Լիգայի 2022/2023 մրցաշրջանին մասնակցած ֆուտբոլիստների միջին տարիքը 25,22 է: Նախորդ առաջնությունում ֆուտբոլիստների միջին տարիքը գրեթե նույն էր՝ 25,27 տարեկան:

VBET Հայաստանի Պրեմիեր Լիգայի 2022/2023 առաջնությանը մասնակցած թիմերից ամենաերիտասարդ կազմը ունեցել է «ԲԿՄԱ»-ն: «ԲԿՄԱ»-ի ֆուտբոլիստների միջին տարիքը եղել է 20,78 տարեկան: Այս փաստը պայմանավորված է նրանով, որ «ԲԿՄԱ»-ում հանդես են գալիս հիմնականում 18-20 տարեկան զինծառայող ֆուտբոլիստները:

2-րդ «ամենաերիտասարդ» թիմը «Ուրարտու» ՖԱ-ն է՝ 23,41 տարեկան:


VBET Հայաստանի Պրեմիեր Լիգայի 2022/2023 մրցաշրջանի «ամենատարեց» թիմն «Ալաշկերտ» ՖԱ-ն է (ֆուտբոլիստների միջին տարիքը՝ 29,10): «Ալաշկերտ» ՖԱ-ի կազմում գերակշիռ մաս են կազմել 30 տարեկան և ավելի բարձր տարիք ունեցող ֆուտբոլիստները՝ 32 ֆուտբոլիստ:

«ԲԿՄԱ», «Ուրարտու», «Նոա» և «Վան» ֆուտբոլային ակումբները մեծամասամբ ապավինել են մինչև 25 տարեկան ֆուտբոլիստների:


VBET Հայաստանի Պրեմիեր Լիգայի 2022/2023 առաջնությունում հանդես եկած բոլոր ֆուտբոլիստների միջին տարիքը 25,22

է:


2021-2022 VBET Հայաստանի Պրեմիեր Լիգայի ակումբների ֆուտբոլիստների տարիքային ցուցանիշներ



2022/2023 VBET Հայաստանի Պրեմիեր Լիգայի ակումբներում հանդես եկած լեգիոներ ֆուտբոլիստներ




2022/2023 VBET Հայաստանի Պրեմիեր Լիգայում մ21 տարեկան* ֆուտբոլիստների ստացած խաղաժամանակը:



© 2001
ԲԻՆ
ԿԱՄ
ԿՈՒՆԻ ՈՎ

ՄԱՅԻՍԻՆԵՐ

2022/2023 VBET Հայաստանի Պրեմիեր Լիգայում և VBET Հայաստանի գավաթի խաղարկությունում մ21 տարեկան* հայաստանցի ֆուտբոլիստների ստացած խաղաժամանակ:



*2001 թ. ին կամ ավելի ուշ ծնվածներ

ԳԼՈՒԽ 4. ԵԿՎԱՄՈՒՏՆԵՐ ԵՎ ԾԱԽՍԵՐ

Եկամուտներ և ծախսեր

Համաձայն ՀՀ Ակումբների արտոնագրման կանոնակարգի՝ VBET Հայաստանի Պրեմիեր Լիգայի ակումբների ֆինանսական հաշվետվությունները ենթարկվում են տարեկան պարտադիր աուդիտի, որի արդյունքները ներկայացվում են ՀՀ Արտոնագրման բաժին: Այս տարին էլ բացառություն չէր այդ տեսանկյունից:

Ֆինանսական չափանիշի պատշաճ իրագործումը պարտադիր պահանջ է՝ ՈԼԵՖԱ-ի մրցաշարերին մասնակցելու արտոնագիր ստանալու համար: 2023 թվականին VBET Հայաստանի Պրեմիեր Լիգայի 9 ակումբներից 7-ը դիմել են ՈԼԵՖԱ-ի արտոնագիր ստանալու համար: 7 ակումբից 6-ը բավարարել են վերոնշյալ չափանիշը՝ հնարավորություն ստանալով մասնակցելու 2022/2023 մրցաշրջանի ՈԼԵՖԱ-ի ակումբային մրցաշարերին:


Ֆինանսական չափանիշի պահանջներին բավարարելու համար ակումբները պետք է ներկայացնեն ֆինանսական վիճակի, համապարփակ ֆինանսական արդյունքների, սեփական կապիտալում փոփոխությունների, դրամական հոսքերի, ինչպես նաև սեփական աշխատակիցների, հարկային և սոցապ մարմինների և այլ ակումբների նկատմամբ ժամկետանց վճարումների բացակայության վերաբերյալ հաշվետվություններ:

Ստացված տեղեկատվության ուսումնասիրությունից պարզ է դառնում, որ 2021 թվականի համեմատությամբ 2022 ֆինանսական տարում ՀՀ ակումբների ընդհանուր եկամուտները աճել են շուրջ 38%-ով: 2022 թվականին ՀՀ ակումբների ընդհանուր ծախսերը նույնպես աճել են 29,24%-ով:

Հարկ է նշել, որ ակումբների հիմնական եկամտի աղբյուրները շարունակում են մնալ ՈԼԵՖԱ-ից ստացված պարգևավճարները, համերաշխության գումարները և ակումբների սեփականատերերի/հիմնադիրների անձնական ներդրումները:




2022/2023 VBET Հայաստանի Պրեմիեր Լիգայի ակումբների ակումբների 2022թ. ֆինանսական տարվա ծախսերը (հազար ՀՀ դրամ)



2023/2024 VBET Հայաստանի Պրեմիեր Լիգայի ակումբների ակումբների 2022թ. ֆինանսական տարվա հաշվապահական հաշվեկշիռը (հազար ՀՀ դրամ)

2023/2024 VBET Հայաստանի Պրեմիեր Լիգայի ակումբների ակումբների 2022թ. ֆինանսական տարվա հաշվապահական հաշվեկշիռը (հազար ՀՀ դրամ)





VICTORIAL CERAMICS

Text on the wall panel describing the artifacts.

Text on the wall panel describing the artifacts.

Text on the wall panel describing the artifacts.

Text on the wall panel describing the artifacts.

Text on the wall panel describing the artifacts.

Text on the wall panel in the background.



Մեդիա

Վերջին տարիներին հայկական ակումբների ավելի մեծ կարևորություն են տալիս սոցիալական և լրատվական հարթակներում ակտիվությանը: Այս մոտեցումը հանգեցրել է նրան, որ վերջին տարիների էապես ավելացել է նաև ակումբների լսարանը սոցիալական հարթակներում:

VBET Հայաստանի Պրեմիեր Լիգայի բոլոր ակումբները հետևորդների ամենամեծ քանակն ունեն Facebook-ում: Facebook-ում ամենից շատ հետևորդ ունի «Արարատ» ՖԱ-ն՝ մոտ 21,000 հետևորդ: «Արարատ» ՖԱ-ին հաջորդում է «Ուրարտու» ՖԱ-ն, որն ունի մոտ 20,000 հետևորդ: Facebook-ում հետևորդների քանակով 3-րդ հորիզոնականում է «Փյունիկ» ՖԱ-ն՝ 19100 հետևորդ: Ամենից քիչ հետևորդներ Facebook-ում ունի «ԲԿՄԱ» ՖԱ-ն՝ 2,700 հետևորդ:

Եթե հաշվենք բոլոր սոցիալական հարթակներում ակումբների հետևորդների ընդհանուր քանակը, ապա այս դեպքում առաջատարը կլինի «Փյունիկ» ՖԱ-ն՝ 40,662 հետևորդ: «Փյունիկ» ՖԱ-ի՝ նման ցուցանիշով առաջին հորիզոնականում գտնվելը պայմանավորված է նրանով, որ ակումբը ակտիվություն է ցուցաբերում գրեթե բոլոր հարթակներում: Բոլոր սոցիալական հարթակներում հետևորդների հանրագումարով հաջորդ ակումբը «Ուրարտու» ՖԱ-ն է՝ 27,946 հետևորդ, իսկ 3-րդ տեղում՝ «Արարատ-Արմենիա» ՖԱ-ն՝ 33,877 հետևորդ:

«Արարատ», «Արարատ-Արմենիա», «Նոա», «Ուրարտու» և «Փյունիկ» ֆուտբոլային ակումբներն ունեն պաշտոնական էջեր ամենատարածված սոցիալական հարթակներում (Facebook.com, Instagram, Youtube, Twitter, TikTok):



Մարզահագուստի ապրանքանիշեր և տիտղոսային հովանավորներ

Vbet Հայաստանի Պրեմիեր Լիգայի 2021/2022 մրցաշրջանի մասնակից ակումբների նախընտրել են տարբեր ապրանքանիշերի համազգեստներ: 2021/2022 մրցաշրջանի ընթացքում միևնույն ապրանքանիշի մարզահագուստ օգտագործել են «Արարատ» ՖԱ-ն և «Նորավանք» ՖԱ-ն՝ «Fourteen» ապրանքանիշի, ինչպես նաև «Արարատ-Արմենիա» ՖԱ-ն և «Վան» ՖԱ-ն՝ «Puma» ապրանքանիշի: Մյուս բոլոր ակումբների խաղային հանդերձանքների ապրանքանիշերը չեն համընկնում:

Վերջին տարիներին հայկական ակումբները ավելի մեծ ուշադրություն են սկսել դարձնել իրենց մարքեթինգային քաղաքականությանը, ինչի արդյունքում տարեց տարի ավելի շատ ակումբներ են ձեռքբերում տիտղոսային հովանավորներ: Vbet Հայաստանի Պրեմիեր Լիգայի 2021/2022 մրցաշրջանի 9 ակումբներից 6-ը ունեին տիտղոսային հովանավորներ: Հատկանշական է, որ տիտղոսային հովանավոր ունեցող 6 ակումբներից 4-ի հովանավորը բուլղարական ընկերություններ էին:

Ակումբ	Խաղային հանդերձանքի ապրանքանիշ
Ալաշկերտ ՖԱ	Saller
Արարատ ՖԱ	Fourteen
Արարատ-Արմենիա ՖԱ	Puma
ԲԿՄԱ	Macron
Նոա ՖԱ	Adidas
Նորավանք ՖԱ	Fourteen
Վան ՖԱ	Puma
Ուրարտու ՖԱ	Jako
Փյունիկ ՖԱ	Joma



ՆՈՐ ԵՆԹԱԿԱՌՈՒՑՎԱԾՔՆԵՐ

Աբովյանի քաղաքային մարզադաշտ

ՀՖՖ հիմնադրման 30-ամյակին նվիրված միջոցառումների շարքում Աբովյան քաղաքում հանդիսավոր կերպով վերաբացվեց «Քաղաքային» մարզադաշտը: Միջոցառմանը մասնակցեցին ՀՖՖ նախագահ Արմեն Մելիքբեկյանը և ՌԲԾՖԱ-ի նախագահ Ալեքսանդր Չեֆերինը: Հիմնովին վերանորոգված մարզադաշտն այսուհետ կարող է տեղավորել 3100 հանդիսական: Մարզադաշտում տեղադրվել է նոր խոտածածկ, վերանորոգվել են մարզադաշտի տրիբունաները և հանդերձարանային հատվածները, մարզադաշտի արևմտյան տրիբունայում տեղադրվել է ծածկ, բարեկարգվել են մարզադաշտի հարակից տարածքները. կառուցվել է մարզումային փոքր խաղադաշտ, ինչպես նաև տեղադրվել է լուսավորության բարձրակարգ համակարգ:

Շահագործման հանձնվելուց հետո մարզադաշտը կհամապատասխանի ՌԲԾՖԱ-ի երկրորդ կատեգորիային: Դա նշանակում է, որ այստեղ հնարավոր կլինի անցկացնել ինչպես Vbet Հայաստանի Պրեմիեր Լիգայի, այնպես էլ միջազգային հանդիպումներ, մասնավորապես, ՌԲԾՖԱ-ի Չեմպիոնների և Եվրոպա լիգայի որակավորման 1-ին և 2-րդ փուլի, Հայաստանի երիտասարդական ու պատանեկան հավաքականների մասնակցությամբ հանդիպումներ:

Արմավիրի մարզադաշտ

Արմավիրի մարզադաշտը հիմնադրվել է դեռևս 1980 թվականին: Սկզբում կրել է Հորեյանական անվանումը և համարվել է Հայաստանի խոշոր մարզադաշտերից մեկը: 1985 թվականին, երբ ԽՍՀՄ-ը իրավունք է ստացել հյուրընկալելու Աշխարհի երիտասարդական առաջնությունը, այստեղ անցկացվել է խմբային փուլի հանդիպումների մեկը:

Մարզադաշտի վերակառուցման շինարարական աշխատանքները սկսվել են 2018 թվականին և տեխնիկական պառճառներով ընդհատվել 2019-ին:

2021 թվականին ՀՀ-ն կրկին վերսկսել է մարզադաշտի շինարարությունը, և ընդամենը 7 ամիս անց մարզական հրաշալի կառույցն ավարտուն տեսք է ստացել:

Մարզադաշտում տեղադրվել է 3 բնական և 1 արհեստական խոտածածկ, վերանորոգվել է մարզադաշտի տրիբունան և հանդերձարանային հատվածները, մարզադաշտի տրիբունայում տեղադրվել է ծածկ, բարեկարգվել են մարզադաշտի հարակից տարածքները:

Ձեռքբերումներ

Սիրողական ֆուտբոլի Ա Լիգա

Հայաստանի ֆուտբոլի ֆեդերացիայի նախաձեռնությամբ առաջին անգամ Հայաստանում կանցկացվեց սիրողական ֆուտբոլի առաջնություն, որին մասնակցեցին 11 թիմեր:

Սիրողական առաջնության նպատակն է ՀՀ տարածքում սիրողական ֆուտբոլի զարգացմանը նպաստելը, սիրողական ֆուտբոլիստների վարպետության մակարդակի բարձրացմանը նպաստելը, ազգաբնակչության մոտ առողջ ապրելակերպը և ֆիզիկական զարգացումը խթանելը: Առաջնությունը նպատակ ունի նաև ավելացնել սիրողական ֆուտբոլով զբաղվող մարդկանց քանակը, ինչպես նաև հնարավորություն ընձեռել պրոֆեսիոնալ թիմերում չընդգրված ֆուտբոլիստների հանդես գալ սիրողական մրցաշարում և պահպանել մարզավիճակը:

Սիրողական ֆուտբոլի Ա լիգայի առաջնությունը կմեկնարկել 2022 թվականի հոկտեմբերին և տևել է շուրջ 9 ամիս: Մրցաշարի բոլոր հանդիպումները կայացել են ՀՖՖ Տեխնիկական կենտրոն/ադադեմիայում:

ՀՖՖ-ն ՈՒԵՖԱ-ի Ֆուտբոլը և փախստականները դրամաշնորհային մրցույթի հաղթող:

Հայաստանի ֆուտբոլի ֆեդերացիան 2021 թվականին հաղթել է UEFA Football and Refugee Grant Scheme 2020/21 (ՈՒԵՖԱ-ի ֆուտբոլի և փախստականների դրամաշնորհ) դրամաշնորհային մրցույթում:

ՈՒԵՖԱ-ն և իր գործընկեր ՄԱԿ-ի փախստականների հարցերով գերագույն հանձնակատարի գրասենյակն (UNHCR) արժևորում են ֆուտբոլի միավորող դերը փախստականների ինտեգրման գործում: Այս կապակցությամբ ամեն տարի ՈՒԵՖԱ-ն ներկայացնում է դրամաշնորհային ծրագրեր, որոնք նպաստում են անդամ ասոցիացիաներում ֆուտբոլի միջոցով փախստականների օժանդակմանը:

Այս տարվա մրցույթին մասնակցելու համար, ընդհանուր առմամբ, դիմել էին 17 ասոցիացիաներ, որոնցից հաղթող են ճանաչվել վեցը՝ Հայաստան, Բուլղարիա, Ուելս, Խորվաթիա, Ֆինլանդիա և Հյուսիսային Իռլանդիա: ՈՒԵՖԱ-ն հաղթող ասոցիացիաներին շնորհում է 50,000 ական եվրո դրամաշնորհ, որը պետք է ծախսվի փախստականների ինտեգրման՝ նախապես ներկայացված ծրագրի համար:

ՀՖՖ-ն, ՄԱԿ-ի փախստականների հարցերով գերագույն հանձնակատարի հայաստանյան գրասենյակն (UNHCR Armenia) հետ համատեղ ծրագրի շրջանակներում իրականացրել է Play together for integration (Խաղանք հանուն ինտեգրման) ծրագիրը, որի նպատակն է ֆուտբոլի միջոցով նպաստել Հայաստանում բնակություն հաստատած փախստական և տեղահանված ընտանիքների ինտեգրմանն իրենց նոր բնակավայրերում:

Team Telecom Armenia-ն՝ Հայաստանի ազգային հավաքականի պաշտոնական գործընկեր

Team Telecom Armenia ընկերությունը դառնել է Հայաստանի ազգային հավաքականի պաշտոնական գործընկերն է: ՀՖՖ-ի և Team Telecom Armenia-ի միջև ստորագրվել է համագործակցության հուշագիր:

Համագործակցության շրջանակներում Team Telecom Armenia-ն հանդես է եկել որպես Հայաստանի ազգային հավաքականի գործընկերը և իր աջակցությունն է ցուցաբերելու ֆեդերացիային խաղադաշտերի կոմունիկացիոն ենթակառուցվածքները արդիականացնելու և VAR համակարգը ներդնելու հարցում:

Team Telecom Armenia ընկերության և Հայաստանի ֆուտբոլի ֆեդերացիայի համագործակցության շրջանակներում նախատեսվում է նաև այլ ծրագրերի իրականացում, որոնք կնպաստեն ֆուտբոլի զարգացմանը Հայաստանում:

Ճանաչողական սեմինար-հանդիպում ՀՖՖ ակումբների ներկայացուցիչների հետ արտոնագրման 2023/2024թթ. մրցաշրջանի վերաբերյալ (20.01.2023թ.)

Հունվարի 20-ին՝ ՀՖՖ գրասենյակում, տեղի է ունեցել ՀՖՖ Արտոնագրման բաժնի կողմից կազմակերպված սեմինար-հանդիպում՝ «Ազգային», «ՈՒԵՖԱ»-ի և «ՈՒԵՖԱ»-ի Կանանց Չեմպիոնների լիգայի արտոնագրերի թեկնածու ակումբների արտոնագրման և ֆինանսական պատասխանատուների մասնակցությամբ:

Սեմինար-հանդիպման ընթացքում ակումբների ներկայացուցիչները ծանոթացել են բոլոր այն փոփոխություններին, որոնք տեղի են ունեցել նախորդ մրցաշրջանի համեմատ՝ կապված արտոնագրման չափանիշների հետ: Հանդիպման ժամանակ ակումբների ներկայացուցիչները հնարավորություն են ունեցել ծանոթանալու այն պահանջներին, որոնք պետք է բավարարեն՝ մինչև մարտի 3-ը ներկայացնելով համապատասխան ոչ ֆինանսական փաստաթղթային փաթեթները:

Ճանաչողական սեմինար-հանդիպում ՀՀ Առաջին խմբի ակումբների արտոնագրման 2023/2024թթ. մրցաշրջանի վերաբերյալ (28.04.2023թ.)

2023 թվականի ապրիլի 28-ին՝ ՀՖՖ գրասենյակում, կայացել է ճանաչողական սեմինար-հանդիպում բոլոր այն ակումբների հետ, որոնք ցանկություն էին հայտնել մասնակցելու ՀՀ Առաջին խմբի 2023/2024թթ. մրցաշրջանի առաջնությանը: Արդեն 4-րդ մրցաշրջանն է ինչ ներդրվել է Առաջին խմբի առաջնության ակումբների արտոնագրման գործընթացը, որին մասնակցելը և համապատասխան արտոնագիր ստանալն ակումբների համար պարտադիր պահանջ է ՀՀ Առաջին խմբի առաջնության մասնակցության համար:

Հանդիպման ընթացքում մասնակիցներին ներկայացվել է ակումբների արտոնագրման գործընթացը և դրա ելությունը: Մասնակիցները մանրամասն ծանոթացել են ՀՀ Առաջին խմբի ակումբների արտոնագրման կանոնակարգին (2023թ. խմբագրություն)՝ առանձնահատուկ ուշադրություն դարձնելով Առաջին խմբի առաջնության համար սահմանված պարտադիր պահանջներին՝ ենթակառուցվածքային, իրավական, կադրային և վարչական, ինչպես նաև մարզական չափանիշների շրջանակում:

Յեղիևակ՝

Արսեն Չաքարյան

ՀՖՖ Արտոնագրման բաժնի մասնագետ

«ՀՖՖ ԱԿՈՒՄԲԼԵՐԻ ԱՐՏՈՆԱԳՐՄԱՆ ՀԱՄԵՄԱՏԱԿԱՆ ՎԵՐԼՈՒԾՈՒԹՅՈՒՆ 2020»-ի ստեղծմանը նպաստել են՝

Վահան Բերակչյան

ՀՖՖ Արտոնագրման բաժնի պետ

Նաիրա Աբրամյան

ՀՖՖ Արտոնագրման բաժնի պետի տեղակալ

Նունե Սարգսյան

ՀՖՖ Արտոնագրման բաժնի մասնագետ

Լուսանկարներ՝

Հակոբ Բերբերյան

Գևորգ Ղազարյան

FC NOAH AM

CLUB
NOAH

BUSINESS CENTER

SPACE
NOAH

YER

